



N 21/2577
15/06/2022

2577-21-2-202206151324



შპს „ინო ჯგუფს“

მის: დმანისის მუნიციპალიტეტი, სოფ. პანტიანი

ელ. ფოსტა: <mailto:davitburnadze@gmail.com>

სსიპ გარემოს ეროვნულმა სააგენტომ განიხილა თქვენი №12788 სკრინინგის განცხადება, რომელიც ეხება დმანისის მუნიციპალიტეტში, სოფ. პანტიანში სასარგებლო წიაღისეულის (ქვიშა-ხრეში) გადამამუშავებელი საწარმოს მოწყობასა და ექსპლუატაციას.

გაცნობებთ, რომ სკრინინგის განცხადებაში დაზუსტებას საჭიროებს და მოცემული უნდა იყოს საქმიანობასთან დაკავშირებული შემდეგი საკითხები:

- დოკუმენტში წარმოდგენილი უნდა იქნეს საქმიანობის განხორციელების ადგილის GIS (გეოინფორმაციული სისტემები) კოორდინატები (shp-ფაილთან ერთად), ასევე საპროექტო ტერიტორიის საკადასტრო კოდი;
- ვინაიდან, საპროექტო ტერიტორია წარმოადგენს სახელმწიფო საკუთრებას, წარმოდგენილი უნდა იქნეს მიწის ნაკვეთის სარგებლობის დამადასტურებელი დოკუმენტაცია;
- საწარმოს სამუშაო რეჟიმის (144 დღე, დღე-ღამეში 4 სთ, ჯამში 6 თვე) გათვალისწინებით, დაზუსტებას საჭიროებს ობიექტის წარმადობა, საათობრივად გადასამუშავებელი ნედლეულის მითითებით;
- სკრინინგის განცხადებაში მოცემული უნდა იყოს სამსხვრევ-დამახარისხებელი დანადგარის შემადგენელი ობიექტების ჩამონათვალი, გენგემაზე დატანით, შესაბამისი GPS კოორდინატების მითითებით;
- დოკუმენტში წარმოდგენილი უნდა იყოს ინფორმაცია საწარმოში გათვალისწინებული ტექნოლოგიური პროცესის სრული ციკლის შესახებ (ნედლეულის ობიექტის ტერიტორიაზე ტრანსპორტირებიდან საბოლოო პროდუქტის მიღებამდე);
- სკრინინგის განცხადებაში განხილული არ არის საპროექტო ტერიტორიაზე წარმოქმნილი სანიაღვრე წყლების წარმოქმნისა და შემდგომი მართვის საკითხი;
- დაზუსტებას საჭიროებს სამეურნეო-ფეკალური ჩამდინარე წყლების შემდგომი მართვის საკითხი;

- არ არის წარმოდგენილი ინფორმაცია მოხსნილი ნიადაგის ნაყოფიერი ფენის მოცულობის და დროებით განთავსების ადგილის შესახებ;
- დოკუმენტში წარმოდგენილი უნდა იყოს ინფორმაცია ატმოსფერულ ჰაერში გაფრქვეულ მავნე ნივთიერებათა რაოდენობრივი და ხარისხობრივი მაჩვენებლების და გაფრქვევის წყაროების შესახებ;
- ნახაზი 3.1.1–ზე წარმოდგენილი ინფორმაცია მოცემული უნდა იყოს სახელმწიფო ენაზე;
- სკრინინგის განცხადებაში მითითებულია, რომ „სამსხვრეველას ოპერირების პროცესში მოსალოდნელია ხმაურის დონეების მატება, რომელსაც ლოკალური ხასიათი ექნება და გავრცელების არეალი ვერ მოახდენს შესამჩნევ ზემოქმედებას ფაუნაზე“. აღნიშნული ჩანაწერი ბუნდოვანია და საჭიროებს განმარტებას;
- სკრინინგის განცხადებაში მითითებულია, რომ საპროექტო ტერიტორიაზე, აუცილებლობის შემთხვევაში, იგეგმება ნავთობპროდუქტების მცირე რაოდენობით შემოტანა/დასაწყობება, შესაბამისი გარემოსდაცვითი პირობების გათვალისწინებით. გაცნობებთ, რომ „გარემოსდაცვითი შეფასების კოდექსის“ II დანართის მე-6 პუნქტის 6.3 ქვეპუნქტის შესაბამისად, ნავთობპროდუქტების საცავის მოწყობა და ექსპლუატაცია საჭიროებს სკრინინგის გადაწყვეტილების მიღებას. შესაბამისად, საპროექტო ტერიტორიაზე ნავთობპროდუქტების საცავის მოწყობისა და ექსპლუატაციის შემთხვევაში, დოკუმენტში წარმოდგენილი უნდა იყოს ასევე ინფორმაცია დაგეგმილი საქმიანობისა და მახასიათებლების თაობაზე, საქმიანობის განხორციელების GIS (გეოინფორმაციული სისტემები) კოორდინატების მითითებით (shp-ფაილთან ერთად) და „გარემოსდაცვითი შეფასების კოდექსის“ მე-7 მუხლის მე-6 ნაწილით განსაზღვრული კრიტერიუმების შესაბამისად შესაძლო ზემოქმედების ხასიათის თაობაზე.

ზემოაღნიშნულიდან გამომდინარე, სააგენტო კანონმდებლობის შესაბამისად სკრინინგის გადაწყვეტილების გაცემის მიზნით ადმინისტრაციულ წარმოებას დაიწყებს მითითებული შენიშვნების გათვალისწინებით შესწორებული სკრინინგის განცხადების წარმოდგენის შემდეგ.

თეიმურაზ მთივლიშვილი

სააგენტოს უფროსის დროებით ფუნქციების შემსრულებელი

სსიპ გარემოს ეროვნული სააგენტო

